

MPN/ecp

RESOLUCIÓN PRESIDENCIAL

A Presidencia, no uso das facultades que lle confire a normativa vixente, dita a seguinte RESOLUCION:

Vista a proposta de resolución da xefa do servizo de Cooperación que é do seguinte teor literal,

“SERVIZO DE COOPERACIÓN

PLAN CONCELLOS 2020 LIÑA 1

NÚMERO DE EXPEDIENTE: 2020019908

DENOMINACIÓN DO INVESTIMENTO: “SUMINISTRO DE MATERIAL PARA EL BACHEO EN LA RED VIARIA MUNICIPAL”

BENEFICIARIO: Concello de AGOLADA

ASUNTO: Concesión de subvención; compromiso de gasto que importa 54.694,67 euros (anualidade 2020)

PROPOSTA DE RESOLUCIÓN

ANTECEDENTES

- O Pleno da Corporación Provincial, na súa sesión do día 29/11/2019, aprobou as “Bases reguladoras e convocatoria do Plan de Obras e Servizos (Plan Concellos) 2020”, que recolle os procedementos para conceder subvencións a 59 municipios da provincia para financiar actuacións e investimentos, propostas que deben estar relacionadas coas materias que os municipios exercen como competencias propias ou, en todo caso, as atribuídas por delegación, de conformidade co artigo 7 da Lei 7/1985, de 2 de abril, reguladora das bases do réxime local, e as distintas das propias e as de delegación segundo o artigo 3 da lei 5/2014, de 27 de maio, de medidas urxentes derivadas da entrada en vigor da lei 27/2013, de 27 de decembro, de racionalización e sustentabilidade da Administración Local. Ditas bases e o extracto da convocatoria publicouse no BOPPO nº 1, do 02/01/2020.
- Este Plan aprobado baixo o procedemento de concorrencia non competitiva, está dotado con vinte nove millóns setecentos mil euros (29.700.00,00 euros) para a Liña 1. Investimentos en obras e servizos de competencia municipal, na aplicación orzamentaria 20/942.9425.762.45 da Deputación para este exercicio.
- Estas cantidades repártense entre os concellos en base ao grupo ao que pertencen, en proporción á poboación, superficie, aos núcleos de poboación e a densidade, segundo as características singulares de cada grupo de concellos, segundo as porcentaxes indicadas nas Bases para cada grupo de concellos.
- Mediante Resolución Presidencial de 03/01/2020, núm. 2020000208 aprobáronse as cantidades asignadas a cada concello, se ben, unha vez comunicadas as débedas pendentes coa Deputación, poderase proceder de oficio á súa detracción polo que neses casos o importe definitivo será calculado tendo en conta a detracción que se efectúe.

Firmado por: MARIA DEL CARMEN SILVA REGO
Cargo: Presidenta
Data: 10/07/2020 18:28

Firmado por: MARINA PIÑEIRO NOVO
Cargo: Xefa do Servizo de Cooperación coos Municipios
Data: 10/07/2020 09:03

Firmado por: CARLOS MANUEL CUADRADO ROMAY - 02506941X
Cargo: Secretario
Data: 13/07/2020 09:17
Número Resolución RP2020001517



- Para a Liña 1 da subvención cada concello destinará unha porcentaxe mínima sobre a contía asignada no 2020, sendo esta a do 70,38%.
- Segundo a Base Oitava do Plan Concellos 2020, a Liña 1 é de Investimentos, os cales inclúen todas as obras, subministracións, adquisición de bens inmobles e propiedade inmaterial (planeamento urbanístico e estudos de planificación estratéxica) para actividades e servizos que sexan de competencia municipal de acordo co establecido nos artigos 25 e 26 LBRL.
- Han de ser investimentos nos que o Concello teña a propiedade do ben, das instalacións ou dos terreos ou sexa o cesionario destes. A cesión terá que ser, como mínimo, por cinco anos e deberá cubrir, cando menos, o 75 % da vida útil do investimento.
- Se os proxectos para a súa realización precisasen autorizacións da Deputación ou doutras administracións públicas, o Concello deberá acreditar documentalmente que xa conta con elas ou que xa as solicitou xuntando os correspondentes documentos. Neste caso a subvención é condicionada.
- Os investimentos han de ter un orzamento igual ou superior a 20.000,00 euros, incluído o IVE. No caso das subministracións, que deberán ter un carácter singular e natureza inventariable, o importe de cada expediente de solicitude será como mínimo de 5.000,00 euros. O orzamento pode agrupar conceptos subvencionables de distinta natureza.
- É subvencionable a compra de bens ou equipamentos relacionados coa prestación de servizos municipais. O resto das subministracións que non constitúan un investimento por si mesmas e que supoñan a mellora, a construción ou a creación dun ben novo deberán integrarse nun proxecto de investimento. Todas as partidas dos orzamentos deberán ser subvencionables.
- En data 27/04/2020 dentro do prazo fixado na convocatoria, con rexistro WEB2020015548, posteriormente emendado en data 14/05/2020 con rexistro WEB2020017348, consta a entrada no rexistro da Deputación, ao abeiro do Plan Concellos 2020, petición do Concello de AGOLADA na que solicita con cargo a cantidade que lle correspondeu no reparto unha subvención por importe de 54.694,67 euros con destino ao financiamento do investimento "SUMINISTRO DE MATERIAL PARA EL BACHEO EN LA RED VIARIA MUNICIPAL", cun orzamento polo mesmo importe, segundo indica a seguinte táboa:

Anualidade	Orzamento, €	Subvención, €	Fondos propios do Concello/Achegas doutras administracións públicas, €
2020	54.694,67	54.694,67	0,00

- Consta no expediente relación dos tramos e informe técnico-xurídico relativo á titularidade dos terreos para os que se vai a destinar o material subministrado.
- Revisada a documentación, a solicitude remitida cumpre os requisitos esixidos nas Bases reguladoras do Plan Concellos 2020 para a súa tramitación, achegando a documentación requirida.

Firmado por: MARIA DEL CARMEN SILVA REGO
Cargo: Presidenta
Data: 10/07/2020 18:28



Firmado por: MARINA PIÑEIRO NOVO
Cargo: Xefa do Servizo de Cooperación cos Municipios
Data: 10/07/2020 09:03



Firmado por: CARLOS MANUEL CUADRADO ROMAY - 02506941X
Cargo: Secretario
Data: 13/07/2020 09:17
Número Resolución RP2020001517




FUNDAMENTOS XURÍDICOS

Réxime Xurídico:

- Lei 38/2003, de 17 de novembro, Xeral de Subvencións (LXS), e o seu Regulamento aprobado por Real Decreto 887/2006, de 21 de xullo (RLXS)
- Lei 7/1985, de 2 de abril, Reguladora das Bases do Réxime Local (LRBRL)
- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local
- Lei 39/2015, de 1 de outubro, do Procedemento Administrativo Común das Administracións Públicas (LPACAP)
- Lei 9/2007, de 13 de xuño, de Subvencións de Galicia (LSG)
- Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRJEL)
- Carta Europea de Autonomía Local, Estrasburgo 15/10/1985
- Bases reguladoras do Plan de Obras e Servizos (Plan Concellos) 2020
- Ordenanza Xeral de Subvencións da Deputación de Pontevedra (Ordenanza Xeral)
- Bases de execución do orzamento da Deputación para o vixente exercicio
- Sentenza do Tribunal Constitucional 41/2016, de 3 de marzo
- Tratado de Funcionamento da Unión Europea
- Carta de Dereitos Fundamentais da Unión Europea

Consideracións Xurídicas

Instrución do expediente:

- Base reguladora 16ª do Plan Concellos 2020, relativa á ordenación, instrución, procedemento e resolución, que indica que correspóndelle ao servizo de Cooperación realizar as actuacións necesarias para a determinación, coñecemento e comprobación dos expedientes, solicitando cantos informes considere convenientes. Asemade, establécese que o procedemento de concesión das axudas é o de concorrencia non competitiva.

Petición e evacuación de informes:

- Artigos 79 e 80 da LPACAP sobre a petición e a evacuación de informes.
- Artigo 88.6 da LPACAP, que sinala que a aceptación de informes ou ditames servirá de motivación á Resolución cando se incorporen ó texto da mesma.
- Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.

Firmado por: MARIA DEL CARMEN SILVA REGO
Cargo: Presidenta
Data: 10/07/2020 18:28



Firmado por: MARINA PIÑEIRO NOVO
Cargo: Xefa do Servizo de Cooperación cos Municipios
Data: 10/07/2020 09:03



Firmado por: CARLOS MANUEL CUADRADO ROMAY - 02506941X
Cargo: Secretario
Data: 13/07/2020 09:17
Número Resolución RP2020001517



- Bases 47ª e 48ª de execución do Orzamento provincial para o vixente exercicio, sobre o control e a fiscalización da xestión económica, que sinalan a competencia da Intervención para realizar esta función.
- Artigo 24 da LXS que establece que as actividades de instrución comprenderán, entre outras, a petición de cantos informes estime necesarios para resolver ou que sexan esixidos polas normas que regulan a subvención.
- Base reguladora 16ª do Plan Concellos 2020, que indica que as propostas de concesións de subvencións someteranse á aprobación do órgano competente, previo informe do técnico competente da Deputación, segundo a natureza do investimento, no seu caso, e de fiscalización do Servizo de Intervención.

Resolución do expediente

- Artigo 22 LXS que dispón que a proposta de concesión formularase ao órgano concedente a través do órgano instrutor.
- Artigo 25 da LXS polo que o órgano competente resolverá o procedemento e a resolución motivarase de conformidade co que dispoñan as bases reguladoras da subvención
- Artigo 62 do RLXS que establece que na resolución de concesión deberán quedar claramente identificados os compromisos asumidos polos beneficiarios
- Artigo 185 do TRLRFL que regula as competencias en materia de xestión de gasto.
- Artigos 17 e ss. da Ordenanza Xeral que regulan o procedemento de concesión mediante concorrencia.
- Bases reguladoras 1ª e 8ª do Plan Concellos 2020 que definen o obxecto, tipoloxía e as finalidades subvencionables que poden acollerse a este plan.
- Base reguladora 5ª e 6ª do Plan Concellos 2020, que consignan o crédito orzamentario, a porcentaxe e o límite máximo por liña, así como os criterios obxectivos de reparto.
- Bases reguladoras 10ª e 12ª do Plan Concellos 2020 que recollen a necesaria documentación para a concesión da subvención e o prazo para a súa presentación.
- Artigo 9 da Carta Europea de Autonomía Local, que dispón que "na medida do posible, as subvencións concedidas ás entidades locais non han de ser destinadas á financiación de proxectos específicos. A concesión de subvencións non deberá causar prexuízo á liberdade fundamental da política das entidades locais, no seu propio ámbito de competencia".

Procedencia económica da subvención:

- A importancia das subvencións para os entes locais, como instrumento basilar ao gallo de poder levar a cabo o exercicio efectivo das competencias asumidas e atribuídas segundo o ordenamento xurídico, ben a ser destacado no propio Estatuto de Autonomía de Galicia (L.O. 1/1981, de 6 de abril), artigo 49. E é unha técnica administrativa de fomento, é dicir, unha forma de actividade á que pode acudir calquera Administración Pública.
- Ase mesmo, a Carta Europea (Estrasburgo 15/10/1985), artigo 9, recolle as subvencións para facer efectivos os principios de suficiencia e autonomía financeira.

Firmado por: MARIA DEL CARMEN SILVA REGO
Cargo: Presidenta
Data: 10/07/2020 18:28



Firmado por: MARINA PIÑEIRO NOVO
Cargo: Xefa do Servizo de Cooperación cos Municipios
Data: 10/07/2020 09:03



Firmado por: CARLOS MANUEL CUADRADO ROMAY - 02506941X
Cargo: Secretario
Data: 13/07/2020 09:17
Número Resolución RP2020001517




Polo que se refire ao primeiro, sinala o dereito destas entidades a ter recursos propios suficientes que, ademais, han de ser proporcionais ás competencias previstas pola Constitución ou pola lei. Plasma, ademais, un principio de autonomía financeira que se manifesta tanto na vertente dos gastos como dos ingresos, e consagra o carácter predominante non finalista das subvencións que perciban doutras administracións. Circunstancia esencial e que xa se amosou cando o propio concello presentou a solicitude da subvención ao acubillo do Plan concellos 2020 por canto é o xeito de que exercite a súa autonomía. E a autonomía non se logra sen a suficiencia económica, Sentenzas do Tribunal Constitucional de 179/1985, de 19 de decembro e 111/2016, de 9 de xuño.

- O artigo 1 da lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local, combina os mesmos principios en atención eficiencia e estabilidade financeira atados ao principio de máxima proximidade da xestión á cidadanía, lexitimando a actividade pública local cando o eido municipal é o máis acaído para a prestación.
- É cometido da Deputación Provincial, artigo 36.1.2 da LBRL 7/1985, asegurar o acceso da poboación da provincia ao conxunto dos servizos mínimos de competencia municipal e a maior eficacia e economía na prestación destes. Se trata de acadar o correcto equilibrio entre a autonomía local, a participación dos entes municipais nos asuntos que lle afecten directamente, a satisfacción uniforme dos cidadáns no acceso aos servizos públicos de xeito equitativo, xunto co respecto aos principios de descentralización, proximidade, eficacia, e eficiencia, e con estrita suxeición á normativa de estabilidade orzamentaria e sustentabilidade financeira. Velaí a importancia da subvención vertebrada no Plan Concellos, pois así se cumpre o dereito fundamental da igualdade con independencia do concello no que se resida, art. 36 da Carta de Dereitos Fundamentais da Unión Europea, co acceso aos servizos de interese económico xeral.

CONCLUSIÓNS

A solicitude do concello de AGOLADA relativa ao financiamento do investimento "SUMINISTRO DE MATERIAL PARA EL BACHEO EN LA RED VIARIA MUNICIPAL" foi presentada dentro do prazo recollido na convocatoria do Plan Concellos 2020, e asemade xunta a documentación precisa para a válida concesión dunha subvención por importe de 54.694,67 euros, distribuída segundo a seguinte táboa:

Añualidade	Orzamento, €	Subvención, €	Fondos propios do Concello/Achegas doutras administracións públicas, €
2020	54.694,67	54.694,67	0,00

Visto que o obxecto do investimento adecúase dentro da tipoloxía das finalidades subvencionables reguladas na base 8ª, da LIÑA 1-INVESTIMENTOS,

Visto que o enxeñeiro xefe do servizo de Cooperación emitiu en data 27/05/2020, informe favorable de supervisión e control do documento técnico descritivo das actuacións a levar a cabo.

Firmado por: MARIA DEL CARMEN SILVA REGO
Cargo: Presidenta
Data: 10/07/2020 18:28



Firmado por: MARINA PIÑEIRO NOVO
Cargo: Xefa do Servizo de Cooperación cos Municipios
Data: 10/07/2020 09:03



Firmado por: CARLOS MANUEL CUADRADO ROMAY - 02506941X
Cargo: Secretario
Data: 13/07/2020 09:17
Número Resolución RP2020001517




Por todo o exposto e á vista dos antecedentes e fundamentos de dereitos aplicables, INFORMO FAVORABLEMENTE o expediente do concello de AGOLADA e PROPOÑO que lle sexa concedida unha subvención por importe de 54.694,67 euros con destino ao financiamento do investimento "SUMINISTRO DE MATERIAL PARA EL BACHEO EN LA RED VIARIA MUNICIPAL" (exp.: 2020019908), cun orzamento polo mesmo importe. De acordo co disposto na base vixésima primeira do Plan Concellos 2020, xunto coa documentación xustificativa, o Concello deberá acreditar, a dación de conta ao Pleno da axuda outorgada pola Deputación.

A concesión realizarase contra a aplicación 2020/942.9425.762.45 do orzamento provincial para o vixente exercicio.

RÉXIME COMPETENCIAL:

En virtude do establecido nas Bases Específicas de Execución do Orzamento provincial e de conformidade co disposto no artigo 34 da LRBRL, e no artigo 17 do RLXS, a competencia para resolver atribúeselle á Presidencia.

Este informe non ten carácter vinculante, de feito que o órgano concedente co seu superior criterio decidirá.

Tendo en conta o exposto e visto o informe da intervención provincial, de data 08/07/2020, elévase á Presidencia a seguinte PROPOSTA DE RESOLUCIÓN:

- Conceder ao Concello de AGOLADA, CIF P3602000F a cantidade de 54.694,67 euros, con destino ao financiamento do investimento "SUMINISTRO DE MATERIAL PARA EL BACHEO EN LA RED VIARIA MUNICIPAL" cun orzamento polo mesmo importe, distribuída segundo a seguinte táboa:

Anualidade	Orzamento, €	Subvención, €	Fondos propios do Concello/Achegas doutras administracións públicas, €
2020	54.694,67	54.694,67	0,00

- Autorizar e comprometer o gasto na aplicación 2020/942.9425.762.45 do vixente orzamento provincial na que existe crédito suficiente para facer fronte ó gasto.

- Convén lembrar que o concello deberá posuír tódalas autorizacións sectoriais necesarias así como as licenzas e permisos preceptivos para a execución do investimento ao abeiro do establecido nas bases reguladoras do presente plan.

- A licitación, execución e xustificación do investimento realizarase conforme ao previsto nas bases reguladoras do Plan Concellos 2020, aprobadas polo acordo de 29/11/2019 e publicadas no BOPPO núm. 1 de 02/01/2020 (dispoñibles tamén na sede electrónica <https://sede.depo.gal>) e a demais lexislación vixente en materia de contratación e subvencións. Xunto coa documentación xustificativa, o concello deberá acreditar, a dación de conta ao Pleno da axuda outorgada pola Deputación.

- Asemade, ao abeiro da base décima primeira do Plan Concellos 2020, o investimento deberá estar executado e xustificado, na súa totalidade a 30/11/2021. O incumprimento desta obriga dará lugar a revogación da subvención.

- Darlle traslado da presente resolución ao Concello de AGOLADA, a Intervención, ao

Firmado por: MARIA DEL CARMEN SILVA REGO
Cargo: Presidencia
Data: 10/07/2020 18:28



Firmado por: MARINA PIÑEIRO NOVO
Cargo: Xefía do Servizo de Cooperación cos Municipios
Data: 10/07/2020 09:03



Firmado por: CARLOS MANUEL CUADRADO ROMAY - 02506941X
Cargo: Secretario
Data: 13/07/2020 09:17
Número Resolución RP20200001517




Servizo de Cooperación, ao Gabinete da Presidencia e ao Gabinete de Prensa.

Pontevedra, na data da sinatura electrónica

A xefa do servizo de Cooperación

Marina Piñeiro Novo"

Vista a precedente proposta de resolución, RESOLVO, de conformidade coa mesma.

Contra esta resolución que pon fin á vía administrativa poderá interpoñer o recurso potestativo de reposición perante o mesmo órgano que a ditou, no prazo dun mes a partir do día seguinte ó desta notificación (artigos 112 e 124 da Lei 39/2015, de 1 de outubro, do Procedemento Administrativo Común das Administracións Públicas), ou ben, directamente recurso contencioso-administrativo perante o Xulgado do Contencioso Administrativo de Pontevedra segundo o disposto no artigo 8 da Lei 29/1998, de 13 de xullo Reguladora da Xurisdición Contencioso-Administrativa, e todo iso no prazo establecido no artigo 46 da citada Lei.

Todo isto sen prexuízo de que poida utilizar calquera outro recurso que estime pertinente.

(documento asinado electronicamente á marxe)

Firmado por: MARIA DEL CARMEN SILVA REGO
Cargo: Presidenta
Data: 10/07/2020 18:28



Firmado por: MARINA PIÑEIRO NOVO
Cargo: Xefa do Servizo de Cooperación cos Municipios
Data: 10/07/2020 09:03



Firmado por: CARLOS MANUEL CUADRADO ROMAY - 02506941X
Cargo: Secretario
Data: 13/07/2020 09:17
Número Resolución RP2020001517



INTERVENCIÓN-COOPERACIÓN-CONCELLO DE AGOLADA-PRESIDENCIA-PRENSA

